



7154/4434

23

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2"	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						





CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
SEP 25 1989

御覽經史講義卷二十八

史

唐高祖武德九年置宏文館

哈佛大學漢和  
圖書館珍藏印

少詹事臣沈德潛

尹起莘曰太宗初政如日方升纖翳不作其清明氣象至今可想綱目書置宏文館初無美詞而分注備載其君臣論治之實後之欲考太宗之治者當於是焉觀之則得其要領矣

臣謹按高祖武德四年秦王開館以延文學之士杜如晦以下十八人爲文學館學士時人既

謂之登瀛洲矣至是復置宏文館選天下文學之士更日宿直聽朝之隙講論前言往行商確政事此初政之善也嘗思太宗弱齡起兵輔高祖定天下純乎武功疑於文教有所未暇及觀有天下以後於禮樂刑政之屬甚詳且備由左右翼贊之士所以薰陶其耳目厭飫其心思者皆用人聽言仁厚節儉之方也綱目書置宏文館分注詳悉如魏徵之箴以虛已孔穎達之誨以受言杜正倫之記言無隱裴矩之不爲面從一一備載而太宗之以誠待人尚權詐正本

止盜不用重法至比刻民於割肉充腹例縱欲於剖身藏珠君臣誠勉諄諄懇懇宜行之二十年風俗更易民安富教馴至回心而嚮道也則文治之功顧可少耶且其時諸學士中仕於隋者居多如裴矩隋之佞人也乃佞於隋而忠於唐臣之品量固視君德爲轉移者耶抑君求士士益求君則夫羣才踴躍而元首端拱者固在明良之合德者耶迨中宗景龍二年置修文館學士選李嶠等善爲文者爲之而不講求政治宜天下爭以華辭相尚而儒學忠謹之日遠也

則以太宗所尚者因文求道而中宗所尚者祇在乎文也此治術之所以相懸也與後元宗開元三年置侍讀官太常卿馬懷素散騎常侍褚無量更日侍讀而經術疑義得以質問十年置麗正書院延禮文儒發揮典籍十三年更集仙殿爲集賢殿輕神仙之憑虛重賢者之助理綱目並書以美之於時開元之治有貞觀遺風豈非太宗貽謀之善爲之後者得以觀感而興起也哉夫太宗君臣之相勗者足以興道致治而不惟文辭之彪炳如此可云有高世主之烈矣

然當日之交修者惟求度越秦漢以下而未聞力求堯舜所以治天下之道猶非責難陳善之極則也誠使爲君者本有堯舜之聰明堯舜之盛德矣而爲之臣者於講求文學之餘復能事引君當道借古以鑒今因得以防失欽哉四鄰朝夕納誨如鳥之有翼如木之植土如魚之得水漸焉漬焉久而化焉治道之純不自知其入於堯舜之域也此豈太宗君臣所可等量而齊軌也夫

齊陳太夫

人飲酒後之過也此豈太宗深見也何嘗是而  
將水灌其口使人而吐其酒也之弊不自朕始  
曠時又唯唯然曰之百變也本之益上或也  
車代言當以古以聖令以法以刑以威以  
盜竊突而為之出谷也歸來文也之偷也  
蘇州也知也本也本也本也本也本也本也  
也本也本也本也本也本也本也本也本也  
也本也本也本也本也本也本也本也本也

史

唐太宗貞觀元年以戴胄為大理少卿上以選人  
多詐冒資蔭敕令自首不首者死未幾有詐冒事  
覺者上欲殺之胄奏據法應流上怒曰卿欲守法  
而使朕失信乎對曰敕者出於一時之喜怒法者  
國家所以布大信於天下也陛下忿選人之多詐  
故欲殺之既而知其不可復斷之以法此乃忍小  
忿而存大信也上曰卿能執法朕復何憂胄前後  
犯顏執法言如涌泉上皆從之天下無冤獄將軍  
長孫順德受人餽絹事覺上於殿庭賜絹數十匹

大理少卿胡演以爲不可上曰彼有人性得絹之辱甚於受刑如不知愧一禽獸耳殺之何益

監察御史

臣孫灝

臣謹按戴胄之事法中之平也長孫順德之事法外之變也昔者漢文帝蓋嘗行此矣釋之犯蹕之議卒從廷尉此與戴胄之執法同張武受賂事覺愧以金錢此與長孫之得絹同唐太宗其有慕於漢文之遺風歟然而茲二事者其一得之而微有失其一則失之實甚而不可以示天下何則選人詐冒據法應流胄於是乎能守

法矣太宗不以敕令旣行奪人臣之守太宗於是乎能平法矣其用戴胄之言無異漢文聽釋之之請此從諫如流之盛德所以爲得也其微有失者在不審於降敕之初耳若夫胄之犯顏執法天下無冤亦庶幾釋之之爲廷尉矣獨其言曰敕者出於一時之喜怒法者國家所以布大信於天下夫法衷於成憲而敕秉於時王敕之不可輕猶法之不可易也書曰令出惟行弗惟反今以大號之渙巽命之申吐德音下明詔而曰是出於一時之喜怒然者豈端本之論乎



釋之之告文帝曰方其時上使使誅之則已宋  
儒楊時以爲是開人主妄殺之端胄說之未安  
亦略相似故曰得之而亦微有失也至於長孫  
順德以贖貨之愆蒙賜絹之惠事不倫矣乃謂  
得絹之辱甚於受刑如不知愧殺之何益夫不  
辱之以罰而辱之以賞不愧之以迹而愧之以  
心或亦帝王振勵末俗之微權偶一行之而已  
然而偶一行之者卽其事之不可以行者也人  
心所繫莫大於是非國憲所昭莫切於懲勸韓  
昭侯以敝袴之細留待有功雖風似嗇陋而君

子猶有取焉今也受絹而蒙賜將何以處夫却  
絹者以受絹之一人而賜之數十匹又何以處  
夫受絹之輩之踵相接者賜均則禁不行賜偏  
則令不一且此賜也誠予之乎僞予之乎則必  
曰僞予之矣烏有人主之尊而示人以僞者哉  
其用恩爲不測不測非所以爲教也其命意爲  
過深過深非所以爲法也漢文用柔道以治天  
下張武金錢吳王几杖蓋同出於寬厚長者之  
意太宗追慕前古亦遂踵而行之故今日爲賜  
絹他日爲縱囚是皆所以沛殊澤播休聲而不

知以彰一時之權則可以垂萬世之式則不可也故曰其失實甚也要而論之治貴得中而已罰必當罪法但如是而必從而甚之者非也故其從戴胄者爲持法之公也賞必有功法不應如是而故從而矯之者又非也故其賜長孫順德者非用法之正也雖然由前之說是謂過義由後之說是謂過仁仁可過也義不可過也與爲過義毋寧過仁太宗亦仁主也哉

史

上謂太子少師蕭瑀曰朕少好弓矢得良弓數十自謂無以加近以示弓工乃曰皆非良材朕問其故曰木心不直則脉理皆邪弓雖勁而發矢不直朕始悟向者辨之未精也朕以弓矢定天下識之猶未能盡况天下之務其能徧知乎乃命京官五品以上更宿中書內省數延見問以民間疾苦及政治得失

編修臣錢本誠

臣謹按致治之要莫大乎窮天下之理達天下

之情夫人主聰明天縱學問高深萬非臣民所能及然而庶物之理以專而精生民之情以熟而悉故以至聖而詢於至愚合衆人之見聞以成一人之濬哲者明之至公之極也唐太宗以英武定天下乃因弓工一言知物理無窮而智不足恃於是清問羣臣博求讜議借以溫言得從容自便使事無遺理民無隱情此貞觀之治所以比隆三代歟然此非獨君道宜爾也卽爲臣者亦然蓋臣能從善然後能善君漢諸葛亮曰凡有忠慮於國者但勤攻我之闕則事可成

唐太宗謂羣臣曰朕欲公等諫公等亦宜受人諫不可以已之所欲惡人違之夫朝廷重臣總領天下封疆大吏統轄數千里其間民風土俗因時異宜苟非開誠布公集思廣益豈能事事允協而乃體統尊嚴耳目壅蔽屬員進見唯諾惟謹苟出一令雖有不便務相承奉稍或直言忤意非明斥卽暗棄之如是而欲求政理得宜民情悅暢無是理矣此風旣長雖以守令親民之官而不能親民講約聽訟而外不復與士民相見惟藉吏胥以爲耳目奸民地棍得以簧鼓

御覽經史講義 卷二十八  
其說而良士結舌而不敢伸愚民含冤而無所  
告矣臣以爲小臣宜虛公以採士民之輿論大  
臣亦宜虛公以受屬吏之直言凡事必詳悉講  
明得其利害之實而後入告於天子天子折衷  
於至當而施行之所謂用中於民此聽言之法  
也至於進言者受朝廷之延訪尤當竭忠盡慮  
據實秉公宋司馬光云居言職者當誌其大舍  
其細先其急後其緩專利國家而不爲身謀又  
云任事者當置身利害之外言事者當置身利  
害之中蓋古名臣之用心如此若乃任意見之

偏拾瑣屑之務誇其利而隱其害舉其得而諱  
其失言之則愷切而可聽行之則紛擾而無益  
甚或明知其不可行而姑言之以塞其責既見  
其不可行而堅持之以遂其過何其忍於欺罔  
而不忠之甚也夫人臣讀聖賢之書當盛明之  
世言朝得於上則四海之內夕被其澤其亦何  
所瞻顧而不以忠言至計直陳君父之前哉總  
之上以誠求下以實應君臣同德通天下爲一  
身三代以上致治之要實在於此非特貞觀而  
已也

曰也

世三升以生延命之要實古依此非特其德而  
 之士以歸來不以實誠感其同德則天下  
 謂德薄而不以忠言至情直刺其心而  
 世言德薄之士則曰德之不足則其德亦  
 而不忠之甚也失人曰歸聖賢之德  
 其德亦不足也德之不足則其德亦  
 其德亦不足也德之不足則其德亦  
 其德亦不足也德之不足則其德亦

史

上謂太子少師蕭瑀曰朕少好弓矢得良弓數十  
 自謂無以加近以示弓工乃曰皆非良材朕問其  
 故曰木心不直則脉理皆邪弓雖勁而發矢不直  
 朕始悟向者辨之未精也朕以弓矢定天下識之  
 猶未能盡况天下之務其能徧知乎乃命京官五  
 品以上更宿中書內省數延見問以民間疾苦及  
 政治得失

檢討臣傅隆阿

臣謹按聖王之治天下也民無難言之隱物無

或遁之情且能使天下之人樂事勸功孜孜而  
不倦故觀其朝則謨明弼亮盡耳目股肱之益  
也觀其野則養欲給求盡飲和食德之休也虞  
書曰明四目達四聰周書曰爾有嘉謨嘉猷則  
入告爾后於內爾乃順之於外誠能得其要領  
矣唐太宗聰明神武起自戎行宜於天下之事  
罔勿周知乃於卽位之初延見羣臣訪民疾苦  
諮治得失臣以爲是道也一舉而三善備焉何  
也人主端拱深宮尊榮安富其於小民作苦胼  
手胝足之狀雖無時不厪於懷究不得躬履田

間目覩其事故發號出令或宜於古而不宜於  
今或宜於此而不宜於彼風土所關俗尚所習  
雖甚聖明豈能盡悉惟於清晏之時屢勤諮訪  
參伍以盡其變執兩以用其中則下情上達而  
庶政無不舉矣其善一也且夫庶司百職所事  
不同而人品亦因之以異其恪守職業者固亦  
有人其怠惰偷安有玷厥職者亦正自不乏雖  
有大吏稽察之法三年考核之規然其人或浮  
華奔競足以投大吏之所好而欺世盜名或直  
魯樸誠不足以投大吏之所好而難以表見使

得不時延見各盡所長以至公之盛心察羣僚  
之情僞則其人之賢否亦因之立辨矣其善二  
也至於人之精神志氣引之則日生置之則日  
縮士當伏處草茅每慮無以自効及至有官有  
守有言責反怠棄自甘不克振奮者亦由因循  
習染積累而成也聖人御世羣策羣力兼收並  
蓄智者得以效其謀勇者得以竭其力彼百司  
庶府一經召對儻有漫不經心之事既無以仰  
答聖明又無以保其祿位自宜夙夜黽勉敬修  
厥職矣賞一人而天下勸罰一人而天下懼大

易所謂鼓之舞之以盡神者此其善三也或者  
慮不時召對未免有迂濶鮮當煩瀆聽聞抑或  
有挾私懷詐所奏不實之弊不知事之可否行  
之緩急在君人者斟酌審量於其間非必有聞  
而遂行也若其言之公私情之真妄又豈能逃  
王者洞鑒之外哉太宗之意亦猶是詢岳闢門  
懸鞞設鐸之心耳此三代而後貞觀猶爲近古  
也

史

御覽經史講義 卷二十八  
史  
唐太宗曰人欲自見其形必資明鏡君欲自知其過必待忠臣

史

唐太宗曰人欲自見其形必資明鏡君欲自知其過必待忠臣

監察御史 臣 張湄

臣謹按自古帝王未有生而無過者堯舜性之  
之聖固所稱美善兼盡而無過者矣乃不自以  
為無過而深責之臣隣曰予違汝弼汝毋面從  
夫違者過之謂也既無過何有違苟無違又安  
用弼乎若是則聖人之無過聖人初不自知其  
無過而且以日知其有過為幸也堯舜且然湯



御覽經史講義 卷二十八  
武以下之不恡改過者其皇皇然求知更無論  
矣蓋人苦不自知返視之明恒不如借鑒之明  
內省之識恒不及外觀之識彼夫形之有妍媸  
也醜好也是生人之所顯而易見者也顧其所  
以顯而易見者由時時有暴吾之妍媸別吾之  
醜好炯然昭布森列於其前若十目十手之指  
視雖欲揜藏而不可得者則明鏡之力爲多也  
設一旦離乎鏡抑鏡或昏而不明竊恐妍媸猶  
是好醜猶是而夙昔之所灼見於中而莫之湣  
者漸且惝恍焉而無憑矣其不至以媸爲妍而

以醜爲好者幾何哉雖然不見其形其失止在  
形而猶未足爲心累也生於其心而害於其政  
者惟過之所積爲甚微而惟人君之過之所關  
爲甚鉅君有過君不知之而臣知之亦非衆臣  
所能共知之而惟忠臣能知之何則忠臣者君  
之明鏡也平日一絲不雜誠精故明一物不擾  
靜虛則明旣先以戒欺求慊者於吾心澄其本  
體自克以繩愆糾謬者於君身致其實用是故  
君之過方萌惟若臣爲能防其微君之過將長  
惟若臣爲能杜其漸獻可替否如物來而畢應

御覽經史講義 卷二十八  
拾遺補闕亦屢照而不疲明則察乎秋毫鑒則  
洞乎肝膈有臣若此爲之君者其庶幾可以立  
於無過之地矣不然者小人大詐若忠每事容  
悅姑勿論其顛倒是非變易黑白以陷君於過  
也凡舉朝不敢言人主不樂聞者悉付模稜略  
無匡救此無異抱塵鏡以求形之正其又何形  
之能見哉故太宗之論篤矣他日因魏徵之沒  
而復申其說曰以銅爲鑑可正衣冠以古爲鑑  
可知興替以人爲鑑可知得失彼其所謂人者  
要非泛屬諸他人也必魏徵乃不愧爲忠臣必

忠臣乃不愧爲明鏡此可以叅觀而得其旨矣

史

唐太宗貞觀二年詔舉堪縣令者上曰爲朕養民者惟在都督刺史朕嘗疏其名於屏風坐卧觀之得其在官善惡之跡皆注於名下以備黜陟縣令尤爲親民不可不擇乃命五品以上各舉堪爲縣令者以名聞

編修臣秦勇均

臣謹按郡守縣令代天子撫黎元宣德意卹疾苦平訟獄勸農桑興教化使民賴其利以安其身家性命者也唐太宗以武功定天下喜功好

大寧無動衆勞民之舉而其後休養生息民皆  
殷阜至於斗米三錢外戶不閉貞觀之治幾於  
成康其本在乎任賢納諫數大端而其要在乎  
謹擇守令惠養百姓蓋其與民休戚之意時往  
來於懷而不去故吏亦勉爲循吏此屏風錄名  
誠爲三代以下愛民之盛事也且夫屏風錄名  
固不惟其事而惟其心也人主誠汲汲於愛民  
惟恐牧民者有負所托則雖深居九重無時而  
不繫念民生之疾苦將守令賢否時刻銘之心  
版固不在區區屏風之書名所謂參前倚衡也

不然者詔令皆爲具文選舉僅循成例縱慕古  
賢君之所爲坐卧屏風之旁往復姓名之數觸  
於目而不警於心於民何益焉故非實有愛民  
之心者必不能擇吏而非確有擇吏之識者亦  
不能愛民也吏得其人則郡國晏安嘉惠流被  
閭里勿煩苦而鄉亭無夜呼若不得其人將不  
循職守貪賄殘刻政治乖戾和氣不興萬民喁  
喁安所仰恃夫大田之詩其言治田也曰去其  
螟螣及其蝨賊非特田有蝨賊也政亦有之害  
民之吏是也欲田之登必先去其害稼者欲民

之安必先除其害民者吏之害民其才短者其害猶淺其才長者其害滋深蓋才短之人止於懦鈍法令不嚴而民或生玩然使其人操守素嚴誠樸自矢則與民相習之深猶望其有感孚之效與事相練之久猶望其有才識之增若夫才長而心術不端者以殘刻爲強幹以紛擾爲才能苟可逢迎上官雖疲民之力而不顧苟可希冀遷擢雖賊民之生而不辭此擇吏者不在於擇能吏而在於擇良吏不在於簿書期會之著其績而在於農桑教化之盡其心也漢時良吏

最多或起於方正之科或試以公卿之薦是以吏道純而民氣和也唐太宗令五品以上各舉堪爲縣令者亦有漢之遺風誠於常格之外廣爲採訪以求得人其現在身膺民社有實稱循良之選非徒世俗之所謂才能者許在朝卿貳在外郡守以上各舉所知以待核實而加之優獎則天下之大萬民之衆得良吏數十人引養引恬於其間疇不觀感奮興以期仰副子惠元元之至意而治效所臻有不軼漢唐而上者哉

史記卷之二十八  
漢書卷之二十八  
後漢書卷之二十八  
宋書卷之二十八  
南齊書卷之二十八  
梁書卷之二十八  
陳書卷之二十八  
魏書卷之二十八  
北齊書卷之二十八  
周書卷之二十八  
隋書卷之二十八  
唐書卷之二十八  
五代史卷之二十八  
宋史卷之二十八  
元史卷之二十八  
明史卷之二十八

史

貞觀四年秋七月乙丑上問房元齡蕭瑀曰隋文帝何如主也對曰文帝勤於爲治雖性非仁厚亦勵精之主也上曰公得其一未知其二文帝不明而喜察不明則照有不通喜察則多疑於物事皆自決不任羣臣朕則不然擇天下賢才寘之百官使思天下之事關白宰相審熟便安然後奏聞有功則賞有罪則刑誰敢不竭心力以修職業何憂天下之不治乎

編修臣張爲儀

臣謹按唐太宗之論可謂識治體矣夫以四海天之廣萬幾之衆而皆待治於人主之一身此雖心以至聖之聰明才力亦不能周知而徧及也故必審擇輔弼大臣以共襄其事而大臣又慎簡乃僚以各効其能然後綱舉目張而庶官無曠苟於用人之始擇之不審則其信之也不專信之不專則其任之也不重以公卿之尊而稽察檢制幾同胥吏則彼爲之臣者上懼君心之疑下慮讒口之衆畏蕙顧望拘牽寡斷固勢所必然耳由是事無大小政無鉅細莫不取決受成

於君而人君以一身欲盡理天下之事頭緒繁冗棼若治絲前後之際易致遺忘詔令所頒遂多舛錯大臣不敢進言諫官莫敢執奏坐使奸胥猾吏反得上下其手而倚法行私朝四暮三不可致詰此萬事所由叢脞也荀卿云主好要則百事詳主好詳則百事荒此之謂也然而推原其故實由於不明蓋人君義理不先定則於事之本末大小既未能權衡得中而於任事之臣其智愚賢否亦未能洞悉情狀勢不得不舍詢事考言之典而間用逆億以自炫其聰明加

以讒諂之徒又從而乘之毛舉細微曲摘幽隱其始因疑而喜察其繼因察而愈疑禁令紛紜上下睽隔重傷國體寢失人心皆不明之所致也故書曰知人則哲能官人易曰知臨大君之宜吉誠以君道之貴明也是以古之聖王於深宮無事之時上稽天若下畏民晷奸聲亂色不留於聰明淫樂慝禮不接於心目務使其志氣惺然常有以自主譬之鏡焉有所蒙則不明去其蒙而物來胥照矣譬之水焉有所淆則不明澄其原而遇象呈形矣然猶恐事幾至衆其可

否是非之介或未能盡明也又必曰與賢士大夫從容講論往復辨析不獨理義有所折衷卽人情物態風土異宜廣諮博採無不周悉故於其心之未發也廓然而虛公其既發也油然而順應以天下之才任天下之事建以六典馭以八柄賞罰明而刑政肅綱紀正而風俗醇唐虞之翕受敷施成湯之經德秉哲文武之克知灼見胥是道也嘗考唐太宗初政以房元齡杜如晦爲相軍國大事無不諮之復置宏文館精選天下文學之士令更日宿直聽朝之隙講論前



言往行商榷政事又數引魏徵入卧內訪以得失其上書言事者皆粘之屋壁出入省覽於時孫伏伽李乾祐等以直諫擢官張元素李大亮等以直諫受賞其用人惟己之美史不絕書故得賢者在位能者在職人民和樂天下昇平三代以下推爲賢主惟其能得爲政之大體也故宋儒程子曰論學便要明理論治便須識體

史

唐太宗貞觀四年冬大有年

侍講學士臣沈德潛

范祖禹曰魏徵仁義之說欲順天下之理而治之封德彝刑罰之言欲拂天下之性而治之太宗從魏徵而不從德彝行之四年遂致太平仁義之效如此其速也

臣謹按大有年何以書志盛也志盛者何美天人之相應也天人之相應何以徵徵於唐太宗之却側言從正論實能以恤民者格天而天旋

以仁民者報君也先是魏徵勸太宗以德化民而封德彝進以秦漢法律雜霸之術謂書生虛論不足以治澆訛之俗也徵力破其說而謂五帝三王不易民而治行帝道而帝行王道而王其言辨其論正矣帝從徵言而次第行之重農桑蠲租賦赦青災出宮女禁獻祥瑞除鞭背刑凡足以救災利民者皆切於乃身而行之惟恐不力迨行之四年而天下大稔斗米三錢東南嶺海間至於外戶不閉行旅不賫糧也此得於設誠致行之後者也且夫天之仁愛人君猶父

之仁愛其子必先以艱難勞勩試之者也貞觀元年山東以旱告矣二年關內以旱饑告畿內以蝗告矣三年復以大水告矣使太宗求治之心未專尠不謂天道之難以感通仁義之果出於迂遠者乃當日勤而撫之而不少悔其從善救時之初心所以災轉爲祥禍變爲福天鑒其誠民受其賜不期效而效卽隨之也與蓋嘗思之天之於人其相去甚近其相通甚捷卽匹夫爲善天必有以報之而况天子於天論德則爲肖子論位則爲宗子爲宗子則能代天之職爲

肖子則能體天之心從古以來無建皇極而不致斂福之錫念庶徵而不臻平康之治者是以陰陽調而風雨時羣生和而萬民殖史書大有入君可操券必之而非得之偶然者也貞觀之治近於三代豈非仁義之明效大驗也哉抑又思太平之治固在於德化而論治之日先決於聽言當封德彝折辨魏徵其辭未嘗不娓娓可聽若法律雜霸之術真切當於魏徵之議論也者惟人君定其志精其識一切儉邪巧利之說不足以中之斯一德一心明明穆穆以人感天而天卽應焉果如慈父之愛其子而求無不給者矣則致治之要尤在乎嚴君子小人之分也哉有天下者法太宗而更上求純王之治將大有年之書有屢書不一書者矣

史

唐太宗貞觀四年冬大有年

編修<sub>臣</sub>林蒲封

<sub>臣</sub>謹按史稱貞觀四年米斗不過三四錢終歲斷刑纔二十九人東至於海南及五嶺皆夜戶不閉行旅不齎糧取給於道路大有之盛如此然考之唐初承隋末之亂武德以來兵革未息貞觀元年關中饑二年天下蝗三年大水民生彫敝極矣至於四年卽以大有特書治化之美流光史冊論者以爲魏徵勸行仁義之效如此

其速也夫仁義固足以致治而行之必在乎得人天下之大非一手一足之烈明矣臣嘗深求其故竊於綱目所書貞觀二年擇親民之官而知其政治之效所由速也周官六卿分職各率其屬以倡九牧阜成兆民漢宣帝曰庶民所以安其田里而無嘆息愁恨之聲者政平訟理也與我共此者其惟良二千石乎董仲舒曰郡守縣令民之師帥所使承流而宣化也師帥不賢則主德不宣恩澤不流由此觀之守令之所係者大矣太宗初政詔舉堪爲縣令者其言曰與

朕養民者惟都督刺史至於縣令尤爲親民不可不擇命五品以上各舉以聞是時太宗虛已勵精於上房杜王魏諸臣竭誠交贊於下詢事考言登明選公中外承風勤求至理是以上無不達之隱下無不逮之恩陰陽和而風雨時衣食足而民俗厚僅及四年遂致太平向使守令非得其人卽有良法美意不過視爲具文甚或藉以營私擾衆者矣太宗雖賢烏能家喻戶曉身親致之於民哉且夫水旱由於天時聖王所不能免惟有撫恤之方得人而任之乃可轉危

而為安易貧而為富歷觀前古莫不皆然史稱漢初敦尚廉隅法網疎濶為吏者長子孫至於文景海內殷富宣帝明於察吏加意獎勸循良接踵為漢中興光武與民休息首褒良吏東漢之盛教化風行唐元宗初年引見畿縣官戒以惠養黎民屢遣大臣巡訪之開元之治與貞觀並此其明驗也故自古極亂之世得賢守令足以保障一方者有矣未有守令不賢而民能安其生者守令者一方之命也天下者守令之積也守令皆賢則天下咸理矣盛世不借才而治

天下何患無人顧用之何如耳古人有言一介之士苟存心利物無不有濟於時况奉天子命為民父母以其急利祿之心而急國家以其謀身家之力而謀百姓雖中材之質皆可勉為循良所謂日計不足而月計有餘者也且天下之事有行於古而不可行於今有宜於此而未必宜於彼者懸而度之雖智必差畫而限之雖才亦絀惟守令之職與民最親處置設施易中肯要舉凡課農桑厚風俗抑豪強撫孤弱賑救災荒安集流散何一非其職分之所當為惟在朝

廷明敕大吏專責其成公其賞罰寬其掣肘而徐以觀其效吏治未有不淳民生未有不遂者叶氣嘉生薰為大和大有之書不求自至本固邦寧何施不可將使仁義之澤洽於四方時雍風動之休可復覩也寧僅貞觀之米斗三錢而已哉

史

唐太宗貞觀六年秋閏七月宴羣臣於丹霄殿上曰人主惟有一心而攻之者甚衆或以勇力或以辯口或以諂諛或以奸詐或以嗜慾輻輳攻之各求自售以取寵祿人主少懈而受其一則危殆隨之此其所以難也

少詹事 臣 呂熾

范祖禹曰人主不可以有偏好偏好者奸邪之所趨而讒賊之所入也書曰惟精惟一允執厥中夫如是則衆莫得而攻之矣

臣謹按天下之治忽係人主之一心心本虛靈而備萬善然不能不奪於嗜好攻取之私况人主之治心有倍難於常人者常人縱有外誘而處勢既卑不能悉遂其欲又從而攻之者亦寡以無利可邀也人主勢位既崇何求不遂而又操富貴爵祿之權得其歡心即可坐致顯榮是以巧以干進之人日夜揣摩探其君性情之所近心志之所樂曲爲迎合冀其一當以邀厚利由是而攻之者衆矣太宗所言勇力辯口諂諛奸詐嗜慾五事皆君心之所易惑者也然五者

不必全受但受其一已足爲害而五者之中嗜慾尤爲易溺蓋紛華靡麗之屬奇技淫巧之端所謂娛心志悅耳目者何限君心一有所矐其初以爲何傷而其流必至於難返彼小人者窺伺而得其隙則將百計以求媚卽諂諛所由來也容悅旣工奸謀易起巧言以惑衆罔計國是之安危詐僞以營私惟顧身家之利害文過飾非黨邪害正此又辯口奸詐之所由以生故嗜慾者受攻之隙而實爲召攻之媒是以古聖垂訓以寡慾爲要以慎獨爲功使吾心清明有如



止水守道凝固有若長城則邪僻無自而入而外侮安敢相近哉太宗英雄之君於道未必深詣特其聰明果決深燭治亂之機故聽言納諫衛正防邪致治之盛為三代以下所僅見當此之時若更能講明聖學克己復禮主敬存誠正心以正朝廷正朝廷以正百官正百官以正萬民則治效所臻有不與唐虞三代比隆哉

史

唐太宗問魏徵曰羣臣上書可採及召對多失次何也對曰臣觀有司奏事常數日思之及至上前三分不能道一况諫者拂意觸忌非陛下借之辭色豈敢盡其情哉上由是接羣臣顏色益溫

編修 臣 蔡新

臣謹按有唐賢君莫有過太宗者太宗之德以納諫為首稱史冊所載如孫伏伽戴胄之執法以爭無殊於張釋之皇甫德參之激切上陳不異於汲黯帝皆優容嘉納可謂盛德矣而魏徵

猶勸帝假詞色以受盡言者太宗以神武定天下卽位之初置館殿側聚四庫書二十餘萬卷選天下文學之士令更日直宿講論前言往行商摧政事其天資英邁博識古今當時廷臣才識未有能幾及之者也意其臨朝之際或不免神聖文武之資稍形於詞色故孔穎達以爲位居尊極炫耀聰明則下情不達諸臣召對之多失次三分不能道一其以此歟然此猶就陳事者言之未及乎拂意觸忌而諫者也拂意觸忌而諫者人臣之所極難也顯言之則近於賣直

諷言之則鄰於刺譏援引言之則疑於迂疎激切言之又疑於毀謗總之皆逆耳也夫君之於臣上下至懸殊也臣之爵祿君所賜也榮辱君所定也不寧惟是卽身家性命亦君所生全也旣已托命於君誰不願爲將順之舉以自結於戀主之情而獨甘爲逆耳之言以嘗試於不測之威必其實有忠愛愷惻之忱不容自己者也不然則其賦性慇直者也不然亦其顧名思義者也不若是巧者必揣摩以迎合拙者亦緘默以取容矣李絳之對憲宗曰人臣死生繫人主

喜怒誰敢發口諫者就有諫者亦皆晝度夜思  
朝刪暮減比得上達什無二三與徵所言意正  
相類是以明聖之君邇言有所必察陳言亦所  
不厭言及主躬不嫌於過當言及時政無妨以  
過激卽有一二無稽弗詢之說亦但勿聽勿庸  
已耳夫豈無狂愚不知大體以自觸罪悔者賴  
聖哲以免也太宗惟能聽受故羣臣上書亦多  
可採而貞觀之時號稱盛治况由此而上之爲  
夏禹之懸鞬置鐸大舜之善與人同又有大焉  
者乎然則諫草之稀不必盛世直臣之衆愈彰

聖主讀臯益之謨可以觀矣

史

唐貞觀十年權萬紀上言宣饒二州銀大發采之  
歲可得數百萬緡帝曰朕所乏者非財也但恨無  
嘉言可以利民耳昔堯舜抵璧於山藏珠於谷漢  
之桓靈乃聚錢爲私藏卿欲以桓靈事我耶黜之

監察御史臣柴潮生

臣謹按治天下以義不以利而人主之所最易  
惑而輕信者莫如言利之說夫易之言利於義  
之和是乃以在人天然之利足以和義之利固  
未嘗舍乎義而專言利也若言利之臣則以因

民之利爲在上之利有顯背乎義而曲爲之說者不知利者民之所同欲不務公之於民而欲私之財聚於上者民離於下自非英明果斷之君未有能黜言利之臣而杜禍患之萌者也若唐太宗之黜權萬紀有足法者夫權萬紀所言宣饒二州銀大發采之可得百萬緡乃天地間山澤之利初非強取之百姓者也而太宗斥之爲言利遠思堯舜之抵璧投珠至以桓靈之聚錢私藏爲戒者豈非謂興利必至於害民固不可以不防微而杜漸也哉蓋天地生財有數利

不在官乃在於民民得其利財源通而有益於官官專其利則利源塞而必損於民萬紀欲濟其私而言足以傷人害物其視君子之欲行其道而心存於天下國家者迥異矣是不以堯舜事其君而以桓靈事其君也其罪可勝誅哉書曰朕不肩好貨鞠人謀人之保居敘欽太宗之言近之矣臣嘗綜唐一代之治亂興亡而知大宗之垂裕後昆者總在於利民而不專其利子孫變易其法不特有害於民而實無益於國武德貞觀開國之始授人以口分世業田而取之

以租庸調之法蓄兵以府衛兵雖多而無所損  
設官有常員官不濫而易以祿量其入而出之  
以爲用度由永徽以至開元初年經常簡易無  
庸言利而國充財足自明皇見海內完治偃然  
有開疆闢土之心宇文融議取隱戶剩田以中  
主欲而利源開天寶以後韋堅楊慎矜王鉞楊  
國忠剝下奉上歲進羨緡百餘萬爲天子私藏  
由是大歷建中貞元數朝瓊林大盈庫建寧以  
中人而宰相不得問其盈虛元載裴延齡輩害  
民蠹政釀成厲階以元和之英武精明不能不

惑於皇甫鎛程异之邪說雖裴度之信任力爭  
而不見聽若鹽鐵轉運屯田和糴鑄錢括苗權  
利借商進奉獻助無所不爲立法愈煩而愈弊  
民日困而用日匱以至於亡孟子所謂上下交  
征利而國危者唐室其明驗也太宗之黜權萬  
紀深切著明信爲萬世之龜鑑也已且夫小人  
之敢以言利之說進者何也彼謂國家承平乂  
安經費滋多所憂者惟用度之不足以漢武之  
雄才大略而不能不惑於桑孔神宗之大有作  
爲而不能不信於安石惟太宗知藏富於民之

御覽經史詩義 卷二十八  
大義故顯黜萬紀而無所恤易曰渙王居无咎  
管子曰與天下同利者天下持之是故興王所  
宜重爲懲創以變天下之貪邪者必自言利之  
臣始

史

貞觀十二年九月甲寅上問侍臣創業與守成就  
難房元齡曰草昧之初與羣雄並起角力而後成  
之創業難矣魏徵曰自古帝王莫不得之於艱難  
失之於安逸守成難矣上曰元齡與吾共取天下  
出百死得一生故知創業之難魏徵與吾共安天  
下常恐驕奢生於富貴禍亂生於所忽故知守成  
之難然創業之難旣已往矣守成之難方當與諸  
公慎之

編修<sub>臣</sub>張爲儀

臣謹按唐太宗一生固以創業而兼守成者也  
故於房魏二臣之說均有所取焉若夫世之論  
者每謂撥亂返正必得大有為之君而繼體守  
文者直可蒙業而安一若難易迥殊者此則未  
審思乎時勢者也臣載觀史冊推其成敗之  
由竊見守成之難固有倍難於開創者請得而  
歷陳之夏書曰民惟邦本本固邦寧言國家之  
安危繫乎民也其在開創之時天下初定戶口  
尚稀田產未盡闢也山澤之利未盡取也為上  
者但能勞來勸相之則天地之所施生原足給

斯人之用况當瘡痍初復民風尚樸民志未侈  
故積之數年漸臻富庶逮承平既久而生齒日  
繁矣夫以百金之產一人用之則寬然有餘及  
通分之數人則恒苦不給此自然之勢也加以  
雕文刻鏤之傷農事錦繡纂組之害女紅者競  
相倣效以為矜誇踵事增華變本加厲又安望  
其能餘一餘三以自封殖哉故當平居無事之  
時其謀生之計已無所不至設一遇水旱而弱  
者流離强者劫掠矣此承平後之民生所以難  
也說命曰股肱惟人良臣惟聖言君德之隆替



視乎臣也其在開創之時將相大臣皆以歷試之才而受腹心之寄其與人主櫛風沐雨朝夕相親誼則君臣恩猶骨肉其信之也篤其任之也專其禮之也重故其時之臣莫不自思奮於功名以報其上遇上有闕失則借箸而陳排闥以諫而無所嫌忌於其間比及後世人主端拱於上百僚奔走於庭召對則限以時黜陟一憑其意由是尊者愈尊卑者日卑其大臣惟以承順意旨爲賢其小臣惟以拘守簿書爲恪其任司牧者惟以急徵賦稅爲公忠其居諫議者惟

以毛舉細微爲風力至於國計民生之大則皆諉爲君上之任而瞻顧依違苟且塞責者此非承平時之人才遠遜於開國也蓋以堂廉睽隔而上下之情不交禮節過煩而臣主之誼已薄故其憂國奉公之誠不足以敵其身家之念也逮至發言盈廷莫職其咎於是爲人主者不得不隱授其權於左右近習以相爲伺察而孰知所倚以爲伺察者乃益以壅蔽其聰明故諂諛之風益盛而人主之勢愈孤此承平後之人才所以爲難也禮記曰君子議道自己而置法以

民言法之貴乎便民也其在開創之時如漢之三章唐之十二條立法甚簡而守之甚堅簡故易從而堅則莫犯其餘因時變通之制皆聽長吏之自爲而徐以觀其效洎乎後世科條日增文網滋密陳規新例棼若亂絲有司日束縛於法之中而不敢稍出一意偶值細事亦必由下而上自外及內文書往復互相辨詰拘牽瑣碎寢失事機其意不過謂徇人涉私而用法則公耳孰知案牘紛紜爲長上者勢難盡省必且反授其權於吏由是吏之所怒則吹毛索瘢而例

從其重吏之所喜則旁引曲証而例就其輕析律貳端朝三暮四坐使朝廷之刑賞特以佐吏胥之威福本期以人用法反至以法徇人上下相遁迄於不振此承平後之紀綱所以爲難也繫辭傳曰何以守位曰人何以聚人曰財言財之貴乎恒足也其在開創之時憂勤之意深而嗜慾之端淺故雖賦稅均平而朝廷之經費自裕自時厥後狃於富厚之勢遂忘物力之艱宮庭之內凡服食器用聲色玩好之屬所費漸廣而又加以官爵之設日冗宗戚之祿日蕃兵卒

之犒賞日增木土之營造日衆其用於上者無節而取於下者有制以有制之財而供無節之用勢將慮其不繼必且舉天地間山林川澤之內苟可以取利者胥籠而致之於是聚斂之臣進而掊克之說行利盡於上則民匱於下故國不必遇水旱盜賊而咨嗟愁嘆常若不安其生時不必有敵國外患而補苴支綴常苦不足於用此承平後之財用所以爲難也凡此數端固由人事之舛誤亦繫氣數之推遷自三代以來由盛而衰之故畧盡於此矣夫無平不陂無往

不復者天地之運也而制治未亂保邦未危者帝王之政也惟賢聖之君能思天命之靡常而念守成之不易清心寡欲以端其原旁求俊乂以輔其德敦本崇儉所以厚民生也開誠布公所以作人才也慎憲省成所以振紀綱也量入爲出所以節財用也如此則治者益治安者益安持盈保泰之道庶可比烈於成康矣然必先審知其難而後能慎終如始故易戒艱貞書稱知恤胥是道也夫以唐太宗之勵精圖治虛懷納諫洵推三代以下之賢主然其後魏徵上疏

猶歷指其漸不克終者十事又謂往以未治為  
憂故德義日新今以既治為安故不逮然則守  
成之難不亦可以想見哉

史

上謂諫議大夫褚遂良曰卿猶知起居注所書可  
得觀乎對曰史官書人君言動備記善惡庶幾人  
君不敢為非未聞自取而觀之也上曰朕有不善  
卿亦記之耶對曰臣職當載筆不敢不記黃門侍  
郎劉洎曰借使遂良不記天下亦皆記之上曰誠  
然

編修 臣 周煌

臣謹按古者左右史官之設與諫官相表裏為  
用者也諫官任耳目之司爭之於其口史官居

左右之地筆之於其書爭之口者情激而辭嚴  
筆之書者旨幽而事著蓋爭之在一時而書之  
在百世史官所掌匪細故也從來當明盛時君  
咨臣傲都俞吁咈上下相與孜孜各修其職遂  
臻治理及乎末造君驕於上臣諂於下有將順  
而無匡救載筆諸臣袖手就列而已故其主德  
鮮有善者唐太宗三代以下之令主也英姿大  
略赫赫當時而於其臣褚遂良一則曰所書可  
得觀乎再則曰有不善亦記之耶臣每三復其  
言豈太宗有曲護已短之意歟毋亦瞿然深念

懼天下後世之是非欲返觀而內鏡之也何以  
知其然也太宗嘗謂每臨朝欲發一言未嘗不  
三思恐爲民害及聞杜正倫奏賜帛示獎然則  
太宗非護過者迄今覽遂良及劉洎之言何其  
有犯而無諱也君明則臣直其以是歟今夫史  
臣所紀非徒鋪張揚厲而已也景星卿雲之屬  
必書之所以明有瑞也非其所自致能不愧乎  
旱乾水溢之屬必書之所以明有災也苟其所  
自致得不懼乎慶賞鼎鐘之及必書之所以明  
有恩也而若或濫之難免於物議矣刑罰刀鋸

之及必書之所以明有威也而若或濫之難禁其羣訾矣下至一嘖一笑一起一居出之者不及覺載之者務其詳蓋若是其嚴且慎也然則何爲不自取而觀之也觀之其亦有觸目而警心者乎曰否人主雖聖不能無過而旣已言之旣已行之苟從萬幾餘暇屏去外緣理會片時便可尋得過處若所謂觸目而警心者蓋如讀緇衣而生愛咏巷伯而生憎非所語於左史之編右史之紀也藉令自觀其書安知不從而怒其後耶雖怒其後而天下亦皆記之於君何利

獨惜其臣依違遷就不敢自盡其職耳夫不盡其職者謂之曠官此遂良守道不如守官之言更深切而著明者也蓋臣嘗論天下之治忽關乎主術之純疵而主術之純疵又自其心之敬肆判之立之監佐之史莊敬之所以日強也親佞人遠君子安肆之所以日偷也爲清其敬與肆之所從來則天地祖宗之憑臨子孫臣庶之法守未嘗不於一言一動兆其幾也以故史官一書人君不當以目遇而當以心遇也夫

一書人臣不當以目視而當以心觀也夫  
出守未嘗不為一言一動其美惡以效史官  
報之禍則來則天賦而報之惡則于其司獄之  
對人獄者千安報之禍以日命也其效也  
報之之立之也其司獄之報則以日觀也  
乎生論之雖其而生論之雖其自其心之  
更其以而善則善也蓋其嘗論天下之  
其無皆謂之誠守也其其不吸也其  
誠守其引也其其不難自盡其其不流

史

見可欲則思知足以自戒將有作則思知止以安  
人念高危則思謙冲而自牧懼滿溢則思江海下  
百川樂盤遊則思三驅以為度憂懈怠則思慎始  
以敬終慮壅蔽則思虛心以納下想讒邪則思正  
身以黜惡恩所加則思無因喜以謬賞罰所及則  
思無因怒以濫刑

編修 臣 彭樹葵

臣謹按天下之大繫於人主之一心而其要在  
思洪範云思曰容易有之君子思不出其位誠

御覽經史講義 卷二十八  
以思者心之官君心正而後百度貞焉靜而存  
之在戒懼動而察之在慎獨當其洗心藏密無  
息不與天下之故相周是以典謨所載古大臣  
之告其君者曰兢兢業業一日二日萬幾又曰  
安汝止惟幾惟康勅幾之學慎思之謂也求之  
後世若魏徵之十思疏其庶幾乎徵之言曰知  
足曰知止主靜立極息事寧人也曰自牧曰百  
八川謙能受益廣能容物也曰三驅曰敬終樂不  
良可極安不忘危也曰虛心曰正身執兩用中表  
端自上也曰無謬賞曰無濫刑是非存三代之

公刑賞皆忠厚之至也大哉言乎德業畢該閑  
存共貫說者謂貞觀之治幾於刑措徵之力居  
多焉蓋人主惟一心而攻之者百危徵之界治  
忽因之少不自檢則一之數不敵夫百之數而  
心之存焉者寡矣誠能念天命之靡常凜民碁  
之可畏方朝乾夕惕之不暇而敢以逸豫為哉  
此十思一疏洵座右可銘千秋為鑑也雖然匪  
知之難行之斯難匪行之難終身而行之斯難  
賢如太宗治如貞觀而十思之後流為十漸然  
則慎厥始尚克圖厥終哉臣惟古者天子之聽



政也士獻詩史獻書師箴騞賦近臣盡規庶人  
傳語臣不揣固陋敬揆斯義期於發明十思之  
旨依韻成章爲十箴以獻其一曰情動則流主  
一則正收視於無立體以靜毋逸一身而竭百  
姓方寸之中萬物托命惟時惟幾克念作聖其  
二曰周成靈臺民樂上簡漢輟露臺上恤民產  
經野則殫體國以限宅是不基履若雲棧肯構  
肯堂式在方版其三曰居高而倡下必應之匪  
惟我應物售其私爲暄爲潤爲怨爲咨悔生於  
亢云何不危哲后視遠其惟聽卑其四曰在器

而歆在盈必反容之漑之何溢何損海濶江長  
源深流遠端倪旣呈怵惕恐晚水哉水哉監於  
有本其五曰雅有吉日風有騶虞然而禽荒奔  
車凜乎聲律身度無戲無渝亮乃庶事戒於三  
驅子雲相如麗則非誣其六曰靡不有初鮮克  
有終慎終如始道積厥躬健故無息敬以守中  
一其志氣與天地通翼翼勉勉純王之功其七  
曰衡之在握鑑之在懸明乃昭質中乃達權穆  
穆以處或失則偏察察爲斷或失則專是故睿  
聖虛中洞然其八曰取是爲非變白爲黑必有

小忠以濟罔極至誠如神端由敬德易事難說  
承家開國無偏無黨剛克柔克其九曰天道下  
濟煦枯而回無私者德亦必因材情溺則喜濫  
恩以開酬庸勸德貽厥方來無有作好廼言念  
哉其十曰明罰勅法在帝之欽時至秋肅而天  
何心怒一不測文乃刻深平情當理以爲君臨  
刑措在古恥格斯今

史

唐元宗開元二年秋七月焚珠玉錦繡於殿前帝  
以風俗奢靡乘輿服御金銀器玩宜令有司銷燬  
以供軍國之用其珠玉錦繡焚於殿前后妃以下  
皆無得服罷兩京織錦坊後帝使御史楊範臣入  
海南求珠翠奇寶範臣奏曰陛下前年焚珠玉錦  
繡示不復用今所求者何以異於所焚者乎帝遽  
引咎慰諭而罷之

給事中臣馬宏琦

司馬光曰明皇之始欲爲治能自刻勵節儉如

御覽經史詩義 卷二十八  
此晚節猶以奢敗甚哉奢靡之易以溺人也詩  
曰靡不有初鮮克有終可不慎哉

臣謹按明皇初志清明勵精圖治卽焚珠玉錦  
繡一節宜若身先節儉使天下移風而易俗者  
乃焚之未幾旋復求之論者謂其有初鮮終而  
不知其初原未嘗實也使其實有崇儉去奢之  
意則當如漢文之身衣弋綈足履革舄不言躬  
行始終一轍又何必舉珠玉錦繡焚諸殿前亟  
亟然表暴於衆人屬目之地惟其亟於表暴而  
本心之誠不在是無怪其前日焚之今日求之

一人之身而前後矛盾如此也顧從諫之美亦  
尚有足多者昔太宗初平洛陽宮室宏侈者皆  
毀之未幾復發卒修宮以備巡幸張元素以爲  
何前日惡之今日效之其說與楊範臣之直諫  
同太宗旣因言而罷役明皇亦聞奏而罷遣其  
虛以受人而不飾非以遂過也亦同此開元之  
治所以幾於貞觀歟然矯强者僅飾於一時面  
從者亦迫於法語明皇天性本不如漢文之無  
欲而節以制度又不及太宗是以始爲治則戒  
奢靡從節儉行政聽言皆能矯其情之所便厥

後狃於晏安昏於嬖寵淫侈敗度拂諫拒言遂  
至前後迴不相顧而以身治之者竟以身亂之  
然則恭儉果可以聲音笑貌為哉

臣謹按唐虞以來救荒之策備見於書曰政在  
養民則所以為民計者無弗周曰食哉惟時則  
所以足民食者不容後也周官大司徒以荒政  
十有二聚萬民當時國用所通必有九年之蓄

史

唐開元二十九年春正月立賑饑法制曰承前饑  
饉皆待奏報然後開倉道路悠遠何救懸絕自今  
委州縣及採訪使給訖奏聞

修撰臣于敏中

書法書美之也

臣謹按唐虞以來救荒之策備見於書曰政在  
養民則所以為民計者無弗周曰食哉惟時則  
所以足民食者不容後也周官大司徒以荒政  
十有二聚萬民當時國用所通必有九年之蓄

御覽經史講義 卷二十八  
廩藏之設遍於天下歲或不登賑粟施惠一旅  
師遺人之屬司之而有餘惟其給之者便耳春  
秋而後耕三餘一之制不行秦饑乞糴於晉魯  
饑乞糴於齊至魏李悝始爲平糴後世因之遂  
稱良法漢一海內分設郡縣撫綏安輯守令得  
以自行其意兩京循吏史不絕書由事權責於  
守令也耿壽昌之常平長孫平之義倉朱子之  
社倉皆古今備荒善政然得其人則爲韓琦之  
廣惠倉失其人則爲王安石之青苗錢蓋唐宋  
以後設官寢多閭閻疾苦旣不能遽達於九閭

爲守令者又多掣肘旁撓不得以自行其意一  
遇荒歉畏葸逡巡至於有司莫告安得人人  
盡發粟之汲黯繪圖之鄭俠哉夫救荒猶救焚  
也當其初發卽爲撲滅則匹夫匹婦一手足之  
勞枯槁抱甕一轉移之便乃舍之不爲而必呼  
號奔走望救於通都大邑數十里之人則雖羣  
力畢集而燎原之勢成於俄頃必至蔓延而不  
可遏者此不待智者而知之也是以開元立賑  
饑法綱目大書而特予之蓋從來報荒之弊由  
於州縣之畏縮大吏之駁詰踏勘之遲延吏胥

之科斂惟許其不待奏報即便開倉譬如慈母之乳嬰兒探懷而予更何有號泣徒聞待哺莫及者哉若云此法一行恐不肖有司將有詭飾災荒因緣爲奸者竊意有司卽不肖豈獨無人心而敢蔑棄廉隅顯干法令上不顧大吏之見聞下不畏道路之口實以冒不測之誅也乎殆有以知其必不然矣伏讀

御製日知薈說極稱其法於當賑之刻不容緩奏報之遲緩無濟剖晰精明尤爲洞悉民隱今年七月中奉

上諭訓誡督撫諄諄以不致玩視民瘼稽延時日爲念飭令地方官一遇水災驟至迅文申報督撫委員踏勘設法賑濟務使早沾實惠大哉

皇仁懷保誠求恩同高厚蓋卽開元之法以神明變化之而所以體恤斯民之田禾廬舍資生無策者尤爲至周且切也惟是水旱之災事同一體州縣之申報展轉旣多踏勘之委員稽遲尤甚小民之饑饉流離原處不能終日之勢必待申報之後再爲委員委員之後始許成災成災之後方議賑恤展轉稽遲而窮谷深山嗷嗷待哺

御覽經史講義 卷二十八  
之民已多不及少沾升斗而早填溝壑者矣然則卽開元賑饑之法而

特頒諭旨著爲科條許自今州縣一遇歉歲督撫司道各上官處同日通詳一面相其緩急卽行給賑庶親民之官得以自行其意或亦周禮遺人掌邦之委積以待施惠旅師用三粟以惠民之制以仰副

聖天子養民之善政也乎臣謹卽其義而敷陳之唯聖明留意焉

史

唐德宗建中元年始作兩稅法

編修臣張映斗

臣謹按唐初賦稅之法曰租庸調有田則有租有身則有庸有戶則有調開元之末版籍寢壞賦斂迫趣取辦無準下戶率皆逃徙土著百無四五楊炎作兩稅之法按現在之田土歸諸丁戶計必需之經費徵以夏秋此兩稅之大槩固救時之良法也然陸贄以爲財之所生必因人力兩稅以資產爲宗不以丁身爲本以致挾貲

轉徙者脫徭役守業不遷者困斂求夫丁身為本量力授田自古則壤以成賦未嘗頭會而箕斂也如慮挾貲而轉徙卽按戶計丁安得盡考其貲如手實之法而等其賦稅乎呂祖謙謂兩稅立而三代之制皆不復見縱使屢復田租惟能惠有田之民不能惠無田之民抑思佃田之農雖非蠲復之年亦不肯聽豪民之取盈至於不商不耕是爲游惰王政方罰夫里之布又何以稱焉且夫三代而後井田難復漢祖始輕田稅至三十而稅一其時算賦錢自一百二十至

二十文帝更多減免故田稅隨田多寡而人稅無分貧富魏晉以後戶賦始重然晉制丁男丁女皆有占田則出此戶賦者亦皆有田之人非鑿空而稅之也唐初之租庸調亦出於世業口分爲田百畝之中中葉之後田畝之在民者不能禁其賣易而官亦無田可授向之所謂庸調者多徵自無田之人又經兵燹民多流移其可憑者獨田畝耳楊炎所以視大歷十四年墾田之數附丁戶於土田并爲兩稅者也夫國家經費條欵多端廉吏與龐民樂其歸并黠吏與莠



民利其分析蓋歸并則明白易徵輸分析則紛  
紜難稽察也兩稅之行據土田以問業主至明  
晰也卽物產以定貢賦至便利也徵以夏秋時  
不失也課惟二則民易知也外此而戶口之盈  
虛人丁之耗息時有變遷卽循版籍之虛文難  
掩荒闢之實跡近世鱗冊之圖條鞭之制實本  
於此然而兩稅之不免於詬病何也唐之初合  
先代貢賦徭役之目而爲租庸調至是混租庸  
調之名而爲兩稅前則兼該後復重出蓋徃徃  
而有之此亦楊炎所不料也炎非唐之良臣然

兩稅之法豈得因其出於炎而過詆之哉

兩湖之北皆楚國因其出於楚而西漢之

